

თავი 4

ბუღალტრული აღრიცხვის პრინციპები და ფუძემდებლური კონცეფციები – ტესტები

1. სააღრიცხვო პრინციპები წარმოადგენენ:

- ა) რომელიმე სახელმწიფო კანონით მკაცრად განსაზღვრულ ნორმებს;
- ბ) საყოველთაოდ გამოცხადებულ სამოქმედო წესებს;
- გ) არც ერთი პასუხი არ არის სწორი.

2. ფულადი განზომილების კონცეფციის თანახმად:

- ა) სამეურნეო საშუალებები აისახება მასში შეძენის დროს გადახდილი ფასით;
- ბ) რეგისტრირდება მხოლოდ ისეთი ოპერაცია, რომლის ასახვაც შესაძლებელია ფულად გამოსახულებაში;
- გ) არც ერთი პასუხი არ არის სწორი.

3. საწარმოს ავტონომიურობის კონცეფცია გულისხმობს:

- ა) ბუღალტრული აღრიცხვა საქმიანობას აფასებს დროის გარკვეულ შუალედში;
- ბ) სამეწარმეო სუბიექტის სააღრიცხვო ინფორმაცია განცალკავებული უნდა იყოს მისი მფლობელების შესაბამისი ინფორმაციისაგან;
- გ) როცა სამეურნეო ოპერაცია მოქმედებს როგორც შემოსავალზე, ასევე გასავალზე, ორივე ზემოქმედება უნდა აისახოს შესაბამისად ერთიდაიგივე პერიოდში.

4. შპს “ლელა”-ს დირექტორმა ლელა სონგულიამ, რომელიც შპს “ლელა”-ს ერთპიროვნული დამფუძნებელია, ორგანიზაციის კუთვნილი ავტომობილი და შპს “ლელა”-ს სახელზე გაცემული საწვავის ტალონი გამოიყენა პირადი საჭიროებისათვის.

მიუთითეთ კონცეფცია, რომელიც დაირღვა ამ შემთხვევის დროს:

- ა) შესაბამისობის კონცეფცია;
- ბ) ავტონომიურობის კონცეფცია;
- გ) კონსერვატიზმის კონცეფცია.

5. საწარმოს სადისტრიბუციო საქმიანობისათვის ჰყავს ავტომობილი, რომელიც ასახულია ძირითადი საშუალების ანგარიშზე ღირებულებით 7.000 ლარი. თუ ჩავთვლით, რომ ეს საწარმო ფუნქციონირებადია შეიძლება დავასკვნათ, რომ:

- ა) 7.000 ლარი ეს არის ავტომობილის თავდაპირველი ღირებულება;
- ბ) 7.000 ლარი ეს არის ავტომობილის მიმდინარე ღირებულება;
- გ) 7.000 ლარი ეს არის ავტომობილის საბაზრო ღირებულება.

6. მიუთითეთ ბუღალტრული აღრიცხვის ის კონცეფცია, რომელიც უზრუნველყოფს საბალანსო ტოლობის (აქტივები=პასივების) შენარჩუნებას:

- ა) აღრიცხვის ორადობის კონცეფცია;
- ბ) არსებობის კონცეფცია;
- გ) არც ერთი პასუხი არ არის სწორი.

7. როცა საანგარიშგებო პერიოდის ბოლოს შემოსავლებზე მეტი აღმოჩნდება ხარჯები, საქმე გვაქვს საანგარიშგებო პერიოდის:
- ა) მოგებასთან;
 - ბ) ზარალთან;
 - გ) არც ერთი პასუხი არ არის სწორი.
8. ბუღალტრული ტოლობა გულისხმობს:
- ა) აქტივები ტოლია ვალდებულებებს დამატებული საკუთარი კაპიტალი;
 - ბ) აქტივები ტოლია პასივების;
 - გ) ორივე პასუხი სწორია.
9. ცვლილება, რომელიც მოქმედებს სამეურნეო საშუალებებსა და მათი წარმოშობის წყაროებზე და ცვლის მათ თანხობრივად და თვისობრივად, ეწოდება:
- ა) ხარისხობრივი ინფორმაცია;
 - ბ) სამეურნეო ოპერაცია;
 - გ) სააღრიცხვო პრინციპი.
10. ბუღალტრული ინფორმაციის მოპოვება ხდება შემდეგი თანმიმდევრობით:
- ა) განზოგადება, ჩაწერა-დარეგისტრირება, ფინანსური ანგარიშგების შედგენა;
 - ბ) ფინანსური ანგარიშგების შედგენა, განზოგადება, ჩაწერა-დარეგისტრირება;
 - გ) ჩაწერა-დარეგისტრირება, განზოგადება, ფინანსური ანგარიშგების შედგენა.
11. ერთი საანგარიშო პერიოდის განმავლობაში საწარმოს საქმიანობის შედეგების ასახვა ხდება:
- ა) ბალანსში;
 - ბ) სააღრიცხვო პოლიტიკაში;
 - გ) მოგება-ზარალში.
12. სხვაობა, რომლითაც შემოსავლები აჭარბებს ხარჯებს, ბალანსში მოგების სახით აღიარდება:
- ა) ყოველი საანგარიშგებო პერიოდის ბოლოს;
 - ბ) ყოველი სამეურნეო ოპერაციის შემდეგ;
 - გ) ყოველი თვის ბოლოს.
13. შემოსავლებისა და ხარჯების აღიარების პერიოდი ეყრდნობა:
- ა) შესაბამისობის კონცეფციას;
 - ბ) ორადი ჩაწერის კონცეფციას;
 - გ) არსებობის კონცეფციას.
14. რეალიზაციის კონცეფციის თანახმად შემოსავლის აღიარებისათვის აუცილებელი პირობაა:
- ა) საქონლის გადაცემა მყიდველის მხარისათვის;
 - ბ) საქონლის ფლობასთან დაკავშირებული მნიშვნელოვანი რისკისა და სარგებლის გადაცემა მყიდველის მხარისათვის;
 - გ) შემოსავლად აღიარებული თანხის მიღება მყიდველისაგან.

15. შესაბამისობის კონცეფციის არსი შეიძლება ჩამოყალიბდეს შემდეგნაირად:

- ა) როცა სამეურნეო ოპერაცია მოქმედებს როგორც შემოსავალზე, ასევე გასავალზე, ორივე ზემოქმედება უნდა აისახოს შესაბამისად ერთი და იგივე პერიოდში;
- ბ) გასავალი, რომელიც დაკავშირებულია შემოსავლის მიღებასთან, უნდა აღიარდეს ხარჯად შემოსავლის აღიარების დროს, ხოლო დანარჩენი დანახარჯი კი უნდა აღიარდეს ხარჯად პერიოდის შესაბამისად;
- გ) ორივე პასუხი სწორია.

16. საქონლის შესაძენად გადახდილი ფული ხარჯად უნდა აღიარდეს:

- ა) იმ პერიოდის შესაბამისად, როცა მოხდა მისი შეძენა;
- ბ) საქონლის გაყიდვიდან მიღებული შემოსავლის აღიარებასთან ერთად;
- გ) ორივე პასუხი სწორია.

17. ინფორმაციის არსებითად ან არაარსებითად დაყოფა:

- ა) ინდივიდუალურად წყდება ყველა საწარმოში;
- ბ) დამოკიდებულია საწარმოს ორგანიზაციულ-სამართლებრივ ფორმაზე;
- გ) ხდება სტანდარტის მიერ შემოთავაზებული საერთო მიდგომის მიხედვით.

ბუღალტრული აღრიცხვის პრინციპები და ფუძემდებლური კონცეფციები - ამოცანები**ამოცანა N1**

საწარმო „X“ რომელიც დაფუძნდა 1 აპრილს თვის ბოლომდე ეწეოდა სამეურნეო ოპერაციებს, რომელთა ბუღალტრული აღრიცხვა არ მოუხდენია. ბუღალტერს, რომელიც მიიწვიეს საწარმოში 30 აპრილს დახვდა შემდეგი ინფორმაცია:

1. **1 აპრილს** საწარმოს დამფუძნებლებმა საწესდებო კაპიტალის შესავსებად საწარმოს საბანკო ანგარიშზე შეიტანა 40.000 ლარი;
2. **5 აპრილს** საწარმომ შეიძინა დანადგარი და გადარიცხა საბანკო ანგარიშიდან 15.000 ლარი;
3. **10 აპრილს** საწარმომ ბანკთან გააფორმა სესხზე ხელშეკრულება და საბანკო ანგარიშზე ჩამოერიცხა 5.000 ლარი;
4. **12 აპრილს** შეიძინა საქონელი და გადარიცხა 7.000 ლარი;
5. **17 აპრილს** შეიძინა კომპიუტერი და საბანკო ანგარიშიდან გადარიცხა 1.600 ლარი.

დავალება: თითოეულ სამეურნეო ოპერაციისათვის:

1. შეარჩიეთ ელემენტები, რომლებზეც იმოქმედებს ოპერაცია;
2. ასახეთ ცხრილში სამეურნეო ოპერაციის მოქმედება შერჩეულ ელემენტებზე ზრდის ან კლების თვალსაზრისით;
3. დაიცავით ტოლობა: **აქტივი = ვალდებულებებს + კაპიტალი**

1	თარიღი	ოპერაციის შინაარსი	აქტივი		ვალდებულება		კაპიტალი	
			იზრდება	მცირდება	იზრდება	მცირდება	იზრდება	მცირდება
1.	01.04.	დამფუძნებლების მიერ საწესდებო კაპიტალში შენატანის განხორციელება	40.000				40.000	
		სულ:	+	-	+	-	+	-
		ტოლობა	=		+			

ამოცანა N2

საწარმო „X“-მა შემდეგ თვეში, მაისში განახორციელა შემდეგი სამეურნეო ოპერაციები:

1. **3 მაისს** დამკვეთს მიაწოდა 1.500 ლარის საქონელი და რეალიზაციიდან მიიღო შემოსავალი 2.000 ლარი, რომელიც ჩამოერიცხა საბანკო ანგარიშსზე;

2. **16 მაისს** შეიძინა მომწოდებლიდან კრედიტში 11.000 ლარის საქონელი, რომელიც გადახდილი იქნება **26 მაისს**;
3. **21 მაისს** დაფარა ბანკის სესხი 5.000 ლარი;
4. **23 მაისს** მოახდინა 9.000 ლარის საქონლის რეალიზაცია და მიიღო შემოსავალი 12.300 ლარი. მყიდველმა ფული დაუყონებლივ გადაიხადა სალაროში;
5. **25 მაისს** გადახდილია სამეურნეო ხარჯების ღირებულება 220 ლარი;
6. **26 მაისს** საწარმომ გაისტუმრა კრედიტით შეძენილი საქონლის ღირებულება 11.000 ლარი. ფული გადაირიცხა საბანკო ანგარიშიდან.

დავალება: თითოეულ სამეურნეო ოპერაციისათვის:

1. შეარჩიეროთ ელემენტები, რომლებზეც იმოქმედებს ოპერაცია;
2. ასახეთ ცხრილში სამეურნეო ოპერაციის მოქმედება შერჩეულ ელემენტებზე ზრდის ან კლების თვალსაზრისით;
3. დაიცავით ტოლობა: **აქტივი = ვალდებულებებს + კაპიტალი**
4. ასახეთ საბოლოო სურათით რა ქონებრივი მდგომარეობა აქვს საწარმოს **30 მაისისთვის** და როგორი შედეგი მიიღო საქმიანობიდან მაისის თვეში.

შენიშვნა: გაითვალისწინეთ, რომ საწყის ნაშთში უნდა გადმოიტანოთ №1 მაგალითის შედეგი.

1	თარიღი	ოპერაციის შინაარსი	აქტივი		ვალდებულება		კაპიტალი		შემოსავალი	ხარჯი
			იზრდება	მცირდება	იზრდება	მცირდება	იზრდება	მცირდება	იზრდება	მცირდება
		ნაშთი – 01.05.-სთვის								
		სულ:	+	-	+	-	+	-		
		ტოლობა	=		+		+			